

PRO QVODLIBETARIA, QVÆSTIO MEDICA.

348

Matutinis excutienda disputationibus, die Iouis 21. Nouembris in Scholis Medicorum Paris. D. Ioan. le Mercier,
Doctore Medico, Præsidente.

An Colico dolori vena sectio?

Communis totius corporis veluti sentina, aluus. Quæ non solum colligendis & expurgandis partium naturalium excrementis à naturâ dicata est, sed etiam superuacaneos multos humores congerit, vel à toto confluentes excipit, à quibus morbi penè innumeri. Hinc enim mesarum obstruitur, iecur inflammatur, lien intumescit, abdomen flatu vel aquâ distenditur, icterus pronascitur, calculus in renibus senum coalescit, febris accenditur, maximè verò intermittens, quæ illic focum habet. Præterea varij fluores proritantur, diarrhoici, dysenterici, Henterici, lumbrici teretes in pueris frequentissimè procreantur, tormina denique & acerbi dolores excitantur.

Graues quidè illi omnes affectus, & qui non raro vitâ in discrimen adferunt: sed qui cedunt colico dolori, cuius acerbitas tanta est, vt rupto peritonæo proferat enterocelen, pueris ex laxitate valde familiarem; vt etiam ægro necando sit satis. Quin dolor sæpe adeo est contumax, vt alios morbos inuehat curatu longè difficiliores. Siquidem interdum desinit in paralyfin, arthritidem, tympanitem. Grauißimus omnium existit, qui nascitur ab inflammatione, vt qui comitem ferè habeat funestam Lypriam, aut miserabilem ileum inducat. Cui si vomitus stercoreis superueniat, singultus, delirium, aut conuulsio lethiferum.

Inter Anti doloris subiectum est Colum intestinum. Quod cum sit neruosum, multisque cellulis refertum, cohibendis fecibus, & continendis crassis atque viscidis humoribus valde est opportunum. Causa verò non tantum est status, frigoris & cruditis soboles, sed etiam crassa tenaxque pituita, quæ otio, crapulâ, potu frigida, fructuum olerumque crudorum esu diuturno coaceruatur: sæpe etiam bilis alterutra, quæ crassam pituitam veluti fermentat, partemque erodit & inflammat. Hinc colo distento dolor quasi ab infixio palo ægrum excruciat: qui ad latus sinistrum magis intenditur, totumque abdomen inflatur, aluus constringitur, bilis feruet, ventriculus subuertitur, yrina tingitur & sæpe suppressitur.

Amen à flatu dolor magis vagus est, vt fixus à pituitâ. Abteri humore si quis dolor fiat, cū febre, ardore, siti & vigilijs coniungitur, bilis excretionem mitescit, & calidorum vsu ingrauescit. Inflammationem restantur iactatio vehemens, & dolor implacabilis cum extremorum frigore, quod minatur exitium. Aliàs quibus ad hypochondria dolor est sine inflammatione, nisi concitato in ventre murmurio sedetur, ijs febris superueniens eum soluit. Quod nephritico non accidit, qui febre intenditur, primumque yrinâ tenui & aquosâ, deinde crassâ, turbidâ & sabulosâ dignoscitur, nec solum nauseam mouet, bilisque vomitur, sed fixus magis est & diuturnus, & ad vesicam femurque porrigitur.

Vare vt causa multiplex, sic varia sunt eius remedia. In flatu, præter clysmata diaphoreticum, & fomentum siccum vel humidum; cucurbitula ventri affixa prodest. In crasso viscidoque phlegmate, vtendum frequentibus enematis chalcisticis, eccoproticis, & discutientibus, diluto agari-ci, cerebinthinâ, hierâ, diaphœnico, catapotijs phlegmagis, vino generoso, hydromelite, dianiso, rebusque aromaticis. Cum dolor est à bile, conueniunt clysteres malactici, detergentes, cathartica cholagoga, balnea, iuscula, & narcotica. In phlegmone, vt cathartici metuenda, sic phlebotomia primum locum obtinet. Quæ in cæteris causis cum febris adest, etiam necessaria est. Quin etiam sine hac omitti non debet cum dolor est acutissimus, & corpus est *Spens* & plethoricum, maximè verò si vires & ætas consentiant.

Ergo Colico dolori vena sectio.

Asserebat CLAVDIVS RABEVS, Hæduensis anno Domini 1603.

D. DOCTORES DISPUTATURI.

M. ANTONIVS QVIQVEBEVF.
M. JACOBVS DAMBOYSE M.R.
M. JACOBVS COVSINOT.

M. PETRVS SEGVIN Prof. Reg.
M. JOANNES de RENOV.
M. PETRVS PILART.

M. GVLIELMVVS LVSSON M. R.
M. EGIDIVS HERON DECANVS.
M. JOANNES BEAVCHESNE.